





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3443 4° (LN 1148)







Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3443 4° (LN 1148)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3443 4° (LN 1148)





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3443 4° (LN 1148)

Nº 3443.



*St. Jørgen*



2. v. 1148

M



# EPICEDIA SCRIPTA

IN IMMATVRVM OBITVM, O P-

timæ & indubitatæ Spei adolescentis, Iohannis Iacobi

Hopontani, Venerandj & eruditj Viri, Domini Iaco-

bi Iohannis, Pastoris Ecclesiæ Hobroënsis vigi-

lantissimj, & Præpositi prouinciæ Ottersild

dignissimi, Filij primogenitj: qui

Hafniæ obijt: Anno 1573:

29. Aprilis.



*Laurentius*  
*Managius*

HAFNIÆ,

Impressit Laurentius Be-  
nedictj.

1573

G. G.



MAGNÆ PIETATIS ET ERUDITI-

onis Viro, Magistro Andreae Iohannis Maria-  
grio, Pastori ad S. Nicolaum Hafniæ, vigilantī,  
amico suo maximo,

S. D.



On possum satis, Magister Andrea, dicere,  
quantum ex obitu Iohannis Iacobi, Con-  
sanguinei tui, amici verò mei, longè iu-  
cundissimi, doloris conceperim: Cuius mo-  
res & colloquium adeò mihi semper dulcia fuerunt, ut  
cum amico familiari loquens, fratris conspectu me frui  
putarem. Eius itaq; Epicedium, ut ex tua petitione  
lubens: ita ex eius morte (quam ægerrimè fero) inui-  
tus, scriptum mitto. Quod si minus expectationi tue  
respondeat (videor enim mihi fœlicior in heroico car-  
mine) rogo tamen pro tua pietate boni consulas: &  
quòd parum meis Musis relictum fuerit otij, & quòd  
non sæpius ad hoc genus carminis, animum applicue-  
rim. Si quid titulo desit, utpotè loci & temporis men-  
tio, rogo addas, si quid supersit demas, si quid pecca-  
tum emendes. Vale fœlicissimè. Soræ ii. Calend:  
Iun: Anno 73.

Laurentius Matthiæ Mariagrius,  
Pædagogus Sørensis.

EPI.





EPICEDIVM,  
FVNERI, STVDIOSI ADOLE-

scantis, eruditione & moribus cultissimj, Iohannis  
Iacobj, qui vitam hanc temporalem & arumnosam, placide  
moriens, æterna beatitudine, com-  
mutauit, Scriptum

Laurentio Matthiæ Mariagrio.

Vsq; adeò miseris, memorem, mortalibus, iram,  
Atq; truces, acuis Mors inimica, minas:  
Vt fera, pestifero, prosternas omnia, letho,  
Singula, ceu veniens, atterit ignis edax:  
Hos, vbi vitalis, vix natos, aura refecit,  
Funere crudelj Parca cruenta necas:  
Vtq; videt mater genitos, mox lumine cassos  
Ægra dolet spargens rore madente genas:  
Ast alios, quibus indulsit maturior ætas,  
Tollis, vt obstantem torua læna rosam:  
His tua, per totum, laus, Christe, nitescere mundum,  
Posset, & immensum surgere notus honor:  
Si non, terribilj cunctis infesta sagitta,  
Inferret subitas, Mors violenta, manus.  
Hoc, Ægyptiacj fertur Pharaonis, ad aures,  
Israël questus, dignus honore senex:  
Centum terq; decem, curis male saucius, annos,  
Exegi, o paucos o sine sole dies.  
Cernit & inuitis, hæc lux, hic Phæbus, ocellis,  
Grassantis nimium sceptrum superba Luis,

Az

Teg



Tēq, modò extinctum, quis non, dignissimè vita  
Deflet Iohannes aspera, fata vocans:  
Nunc ætas siquidem letis maturuit annis,  
Iamq, tibi vitæ flos ineundus erat:  
Addo quod ingenium doctis illustre Camænis  
Reddideris, cætu dignus Apollineo:  
Omnis in hoc carj, steterat tibi, cura Parentis,  
Illa, py Patruī, sollicitudo fuit:  
Moribus vt placidis, instructus, & arte magistra,  
Ornares patrium, non sine laude, solum.  
Pierios mecum cœpistj scandere colles,  
Labráq, Pegasei tingere fontis aqua:  
Tristis ego, vnanimj, Pylades velut orbus Oreste,  
Aonidum post hac carmina leta canam?  
Læta, volunt curis vacuum, sibj carmina, pectus,  
Mæsta, nec exercet pulchra Thalia, choros.  
Soliuagus posthac, socio comitante relictus,  
Exponam versus exhibeámq, iocis?  
Tutius ingreditur, classis cingente corona,  
Dirigit & dubium nautica pinus, iter.  
Quàm timido, vastum transmittit, remige, pontum,  
Et sola, & falsis, mox vitanda vadis.  
Te mihi distracto fatis, contingit vtrúq,  
Sic videor solus, sic malè quassa ratis:  
Cúm q, mihi tantum dederint tua fata dolorem,  
Matrj quanta dabunt vulnera, quanta Patri:

Nec



Nec lugere sui, prohibet quis funera, natj,  
Sit nisi qui Tygrj, senior Armenia.  
Tollj quando recens conceptus pectore morbus  
Nesciat, ast aliqua parte leuandus erit:  
Fædabat largo, rorantes, flumine, vultus,  
Euander Latj florida sceptrā tenens.  
Vt Pallanta, fera multatum morte, sub hostis  
Audijt immiti succubuisse manu:  
Longa dies docuit tamen hunc deponere luctum,  
Et miserum nati non meminisse rogam.  
Ergo magis multo, vos, digna prole Parentes,  
Excellentē malum hoc, pectore ferre decet:  
Ille quidem sæuo violatus vulnere Martis,  
Cum gemitu clausit lumina, fusus humi:  
Hic animam summo commendans ritē Tonantj  
Ibat ouans animis spe sua damna leuans.  
Ille triumphalem capitj quærendo coronam,  
Anxius, aduerso concidit ense miser:  
Hic cadit ingenuæ nervos dum tenderet artj  
Fortiter & studijs immoremur, ait.  
O fœlix, o, quam nullum, laus, deleat æuum,  
Sic iuuenem Musis inuigilasse bonis.  
Ille Stygis tenebras, aut (si pia fata fuerunt)  
Infernum subijt turbidus Elysium.  
Hunc quia virtutis fuit & studiosus honestj  
Arua beatorum vastus Olympus habet.



EPICEDION,  
IN IMMATURVM OBITVM, IN-  
dubitata Spei adolescentis, Iohannis Iacobi Hopon-  
tani, Consocij longè carissimi, qui Hafniæ in domino placide  
obdormiuit Anno 1573. 29. Aprilis.

Scriptum

à Bartholomæo Casparo Bigumio.

FLebile principium mea ludito carmine Musa,  
Et tremula cantus ludito voce graues:  
Proh dolor optatam, lethali cuspide, frugem,  
Sustulit Aonij Parca nefanda chorj.  
Querit enim cultis iuuenis dum haud impiger hortis,  
Musarum flores, liliâq; alba legit:  
Ecce cadit primo crescentis flore iuuentæ,  
Frustratus cupida votâq; spemq; scholæ.  
Lumina clausurunt Iohannis, Fata, Iacobi,  
Lumina vel seros digna videre dies.  
Immaturus obit matura haud morte Iohannes:  
Ætatis nactus bis duo lustra suæ.  
Cimbrica fœlici genuisti hunc sidere tellus,  
Esset vt is patriæ lumen bonosq; suæ.  
Te genitore satus, Venerande Iacobe, per annos  
Ter septem, vigilans qui sacra iussa doces.  
Hoc Hopontiades communi voce fatentur,  
Quos tua perdocuit lingua diserta Deum.  
Primis est Christo puer hic sacratus ab annis:  
Hunc coluit summa cum pietate Deum.

Atene.



4  
A teneris didicit dulciq; à lacte parentis,  
Pieridum sitiens, dogmata grata scholæ.  
Palladias peragrarè vias contendit: & ipsa  
Sedulus Aoniæ plectra mouere liræ.  
Hausit prima domi teneris elementa sub annis,  
Optata patriæ, non sine laudè, suæ.  
Aggrediturq; tuos post Hafnia celsa penates,  
Ludit vbi varia doctus Apollo chely.  
Nec mora, Musarum triuialia tecta salutat:  
Et petit Hafniacæ iura colenda scholæ.  
Audijt indè viros, quos docta Academia doctos  
Hafniaca, & celebres, ordine semper habet.  
Vixit sincerus, facilis, pius, atq; modestus,  
Gaudebat mentis simplicitate piæ.  
Obsequium Patruo pius exhibuit venerando:  
Tristia quapropter funera sæpè dolet.  
Sed quid ego referam? vel quo mea lumina vertam?  
Corde tuam lacrymis concino sæpè vicem.  
Nam mihi cùm fidus sis morte peremptus Achatès,  
Incipit & luctus cor penetrare meum.  
Te querula nimium repetunt sibi voce Parentes,  
Et tristi fundunt talia verba sono:  
Hei nobis: primogeniti nos funera gnati  
Perturbant, gemitus pectora nostra premunt.  
Spes vbi nostra manet? clausit quis lumina? quis sue  
Obtexit tumulo frigida membra breui?  
O vtinam



O vtinam Hafniacas nunquam peragraſſet in oras:  
Vndè grauis iuſti cauſa doloris adeſt.  
Filius at ſumma requieſcit ſede, Parentes  
Vos interpellans & lacrymare vetans:  
Fletus ſiſte Pater, vanas depone querelas,  
Ne cruciet nimius, languida membra, dolor.  
Hic quanquam iaceo viridi nunc ceſſpite tectus,  
Et quanquam corpus vermibus eſca datur:  
Attamen in Domino requieſcunt molliter oſſa:  
Gaudet & in Chriſto mens mea læta meo.  
O te ſœlicem qui vita ceſſeris: iſta  
Quam viuus vita eſt, hæc ſcio mortis erit.  
Cœleſtem à nobis migravi lætus in aulam,  
Nos vallis miſeros ſed lacrymoſa tenet.  
Non aduerſa tibi nobis velut vlla nocebunt:  
Nam iucunda ſalus te tenet atq; quies.  
Expectata ſalus, Chriſti tibi ſanguine parta,  
Contingit, veris non moritura piis.  
Tandem, ſtentorea, cum cœlica numina tangant  
Voce, tubam, fient membra nouata tibi.  
Lætus apud ſuperos cantato iubila voce,  
Dulcia guſtando gaudia plena, Vale.  
Tuq; vale Genitor: triſtis ſuſpiria cordis  
Excute, pro gnato care Iacobe tuo:  
Sinceri & mœſtum capias peto munus amici,  
Quod tibi mœſta ſatis noſtra Thalìa dedit.  
FINIS.



3443.

ANCE  
OFOCFE  
BOROWNS